

及柴補殿之巢壞凡十五處其年九月大鳥見于武功殿羣鳥隨而噪之神策將軍張日芬射得之肉翅狹首四足足有爪其廣四尺三寸其毛色赤形類鵠鵠十一年渭九獲赤鳥十三年五月左羽林軍鵠乳雀 貞元三年三月中書省梧桐樹有鵠以泥為巢四年夏汴鄭二州羣鳥皆飛入田緒李納境內銜木為城高二三尺方十里緒納惡之命焚之信宿而復鳥口皆流血十年四月有大鳥飛集宮中食雜骨數日獲之不食而死六月辛未晦水鳥集左藏庫十四年秋有鳥色青類鳩鵲息於宋郊所止之處羣鳥翼衛朝夕唼稻粱以哺之睢陽之人適野聚觀者旬日人不知其名郡人李翔見之曰此鸞也鳳之次 長慶元年六月濮州雷澤縣人張憲家榆樹鳥巢因風墮二雛別樹鵲引二鳥雛於巢哺之 開成二年六月真興門外野鵲巢於古塚 求微中黑齒常之戍河源軍有狼三頭白晝入軍門射之斃常之懼求代將軍李謹代常之軍月餘卒 先天初洛陽市人牽一羊左肋下有人手長尺許以之乞丐 開元二年韶州鼠